

摘藻堂四庫全書薈要

集部

欽定四庫全書薈要卷一萬七千七百七十四

集部

御定全唐詩卷三百六十九

李翱

李翱字習之中貞元進士第調校書郎元和初為國子
博士史館修撰遷考功員外郎除朗廬二州刺史入為
諫議大夫知制誥改中書舍人會昌中終山南東道節
度使詩七首

贈藥山高僧惟儼二首

時刺朗州 一本無二
首二字第二首題云再

贈

練得身形似鶴形
千株松下兩函經
我來問道無餘說
雲在青霄水在瓶

選得幽居愜野情
終年無送亦無迎
有時直上孤峯頂
月下披雲嘯一聲

贈毛仙翁

紫霄仙客下三山
因救生靈到世間
龜鶴計年承甲子
冰霜為質駐童顏
韜藏休咎傳真籙
變化榮枯試小還

從此便教塵骨貴九霄雲路願追攀

拜禹歌

并序

貞元十五年六月二十九日隴西李翱敬拜于禹之堂下自賓階升北面立弗敢歎弗敢祝弗敢祈退降復敬再行哭而歸且歌曰

惟天地之無窮兮哀生人之常勤往者吾弗及兮來者吾弗聞已而已而

廣慶寺

傳者不足信見景勝如聞一水遠赴海兩山高入雲魚
龍晴自戲猿狖晚成羣醉酒斜陽下離心草自薰

奉酬劉言史宴光風亭

閑餘春早景沉沉禊飲風亭恣賞心紅袖青娥留永夕
漢陰寧肯羨山陰

戲贈詩

縣君好磚渠繞水恣行游鄙性樂疎野鑿地便成溝兩
岬值芳草中央漾清流所尚既不同磚鑿可自修從他

後人見境趣誰為幽

皇甫湜

皇甫湜字持正新安人元和中擢進士第為陸渾尉仕至工部郎中裴度辟為判官集三卷今存詩三首

題浯溪石

次山有文章可惋只在碎然長於指叙約潔有餘態心語適相應出句多分外於諸作者間拔戟成一隊中行
雖富劇粹美若一作君可蓋子昂感遇佳未若君雅裁退

之全而神上與千載對李杜才海翻高下非可槩文與

一作於

一氣間為物莫與大先王路不荒豈不仰吾輩石
屏立衙衙溪口揚素瀨我思何人知徙倚如有待

石佛谷

漫漶太行北千里一塊石平腹有壑谷深廣數百尺土
僧何為者老草毛髮白寢處容身龕足膝隱成跡金仙
琢靈象相好倚北壁花座五雲扶玉毫六虛射文人留
紀述時事可辨析鳥跡巧均分龍骸極癯瘠枯松間槎

枿猛獸恣騰擲蛭蝱蟲食縱

一作蹤

懸垂露凝滴精藝貫

古今窮巖誰愛惜託師禪誦餘勿使塵埃積

出世篇

生當為大丈夫斷羈羅出泥塗四散號呶擾俶無隅埋
之深淵飄然上浮騎龍披青雲汎覽遊八區經太山絕
大海一長吁西摩月鏡東弄日珠上括天之門直指帝
所居羣仙來迎塞天衢鳳皇鸞鳥燦金輿音聲嘈嘈滿
太虛旨飲食芳照庖廚食之不飫飫不盡使人不陋復

不愚旦旦狎玉皇夜夜御天姝當御者幾人百千為番
宛宛舒舒忽不自知支消體化膏露明湛然無色茵席
濡俄而散漫斐然虛無翕然復搏搏久而蘇精神如太
陽霍然照清都四肢為琅玕五臟為璫璣顏如芙蓉頂
為醍醐與天地相終始浩漫為歡娛下顧人間溷糞蠅
蛆

樊宗師

樊宗師字紹述河中人始為國子主簿元和中擢軍謀

宏遠科授著作佐郎歷金部郎中綿絳二州刺史進諫
議大夫未拜卒詩七百六十九篇今存一首

蜀綿州越王樓詩

并序

綿之城帝獨掀掀明威瀾石碯馳涪瀨左陵凌

一作

凌紅稊簪天地

一作池

送行癸壬且踟躕于西北

蟠紅顏

一作顏

青越王貞故為樓重軒疊飛門明窗

蒙傘蹇蹇予始登謂日月昏曉可窺其背雷電合

風雲遇

一作溝

霜辛露酸星辰介行鬼神變化草木

顯一作頤

繡髻銜蓂莢皆可察極既縈視其江帶又

極視其土岡斷暴遠近山嶮嶮若闕之東

一作東皇

天原開見荆山我其黃

音衍一作黃

河澗

一作澗

然為曲

直淚雨落不可掩因口其心曰無害若

一作苦

其自

一作目

果星星過歸果星星過歸尚悲不能解重為

詩以釋益不可顧謂郡中諸君能無有以以華艷

其念蓄

一作綴云

危樓倚天門如闔星辰宮棟薄龍虎怪洄洄繞雷風徂

秋試登臨大靄屯喬空不見西北路考懷益凋窮石瀨
薄濺濺上山杳穹穹昔人創一作愴為逝所適酡顏紅今
我茲之來猶校成歲功輟田植科畝遊園歌芳藪地財
無叢厚人室安取豐既乏富庶能千萬慙文翁

盧儲

盧儲貞元間人擢進士第一詩二首

催妝

李翱典郡江淮儲以進士投卷翱置几案間其女見之謂小青衣曰此人必為狀頭

翱聞選以為壻明年果第一人及第

昔年將去王京遊第一仙人許狀頭今日幸為秦晉會
早教鸞鳳下妝樓

官舍迎內子有庭花開

一作題芍藥一作迎內子題庭花

芍藥斬新栽當庭數朶開東風與拘束留待細君來

皇甫松

皇甫松湜之子自稱檀欒子詩十三首

古松感興

皇天后土力使我向此生貴賤不我均若為天地情我

家世道德旨意匡文明家集四百卷獨立天地經寄言
青松姿豈羨朱槿榮昭昭大化光共此遺芳馨

怨回紇歌

白首南朝女愁聽異域歌收兵頡利國飲馬胡蘆河
毳布腥膻久穹廬歲月多鷗巢城上宿吹笛淚滂沱

江上送別

祖席駐征棹開帆候信潮隔筵桃葉泣吹管杏花飄
船去鷗飛閣人歸塵一作鹿上橋別離惆悵淚江路濕紅蕉

採蓮子二首

菡萏香連十頃陂，小姑貪戲採蓮遲。
晚來弄水船頭濕，更脫紅裙褰鴨兒。

船動湖光滟滟秋，貪看年少信船流。
無端隔水拋蓮子，遙被人知半日羞。

拋毬樂

紅撥一聲飄輕毬，墜越綃帶翻金孔雀香。
滿繡蜂腰少，少拋分數花枝正索饒。

金醵花毬小真珠繡帶垂幾回衝蠟燭千度入春懷上
客終須醉觥杯自亂排

勸僧酒

勸僧一杯酒共看青青山酣然萬象滅不動心印

一作即

閒

登郭隗臺

燕相謀在茲積金黃巍巍上者欲何顏使我千載悲

楊柳枝詞二首

爛熳春歸水國時
吳王宮殿柳絲垂
黃鶯長叫空閨畔
西子無因更得知

春入行宮映翠微
玄宗侍女舞烟絲
如今柳向空城綠
玉笛何人更把吹

浪淘沙二首

灘頭細草接疎林
浪惡罍船半欲沉
宿鷺眠洲非舊浦
去年沙觜是江心

蠻歌荳蔻北人愁
松雨蒲風野艇秋
浪起鵝鵲眠不得

寒沙細細入江流

句

夜入真珠室朝遊玳瑁宮

紀事載松為牛僧孺表甥不相薦舉因襄陽大水極言諱

謗真珠乃牛愛姬也

馬異

馬異河南人與盧仝友善詩四首

送皇甫湜赴舉

馬蹄聲特特去入天子國借問去是誰秀才皇甫湜吞

一作含吐一腹文八音兼五色主文有崔李郁郁為朝德

青銅鏡必明朱絲繩必直稱意太平年願子長相憶

貞元旱歲

赤地炎都寸草無百川水沸煮蟲魚定應焦爛無人救
淚落三篇古尚書

暮春醉中寄

一作贈

李干秀才

歡異

一作喜

且交親酒生開

一作生開一

甕春不須愁犯卯且

乞醉過申折草為籌筇鋪花作錦裯嬌鶯鮮言語留客

也殷勤

答盧仝結交詩

有鳥自

一作
号

南翔口銜一書札達我山之維開緘金玉

煥陸離乃是盧仝結交詩此詩峭絕天邊格力與文星

色相射長河拔作數條絲太華磨成一拳石莫嗟獨笑

一作
秀

無往還月中芳桂難追攀况值亂邦不平年迴陵

倒谷如等閒與君俛首大艱阻喙長三尺不得語因君

今日形章句羨獼猴号

一作
子

著衣裳悲蚯蚓号

一作
子

安

翅羽上天不識

一作失

察仰我為遼

或作僚

天失所將吾劍

兮切淤泥使良驥兮捕老鼠昨日脫身卑賤籠卵星借

與老人峯抱鋤

一作築

地芸芝术偃蓋參天舊有松木

一作我

與松兮保身世臥居居兮起于于

一作吁吁

漱潺潺兮

聆嚶嚶道在其中可終歲不教辜負堯為帝燒我荷衣

摧我身回看天地如砥平鋼刀剝骨不辭去卑

一作躬

君子今明明俛首辭山心慘惻白雲雖好戀不得看雲

且擬直須臾疾風又卷西飛翼為報覃懷心

一作新

結交

死生富貴存後凋我心不畏朱公叔君意須防劉孝標
以膠投漆苦不早就中相去萬里道河水悠悠山之間
無由把袂攄懷抱憶全吟能文一作文能洽臭成蘭薰不知
何處清風夕擬使張華見陸雲



御定全唐詩卷三百六十九

欽定四庫全書薈要卷一萬七千七百七十五

集部

御定全唐詩卷三百七十

呂溫

呂溫字和叔一字化光河中人貞元末擢進士第因善王叔文再遷為左拾遺以侍御史使吐蕃元和元年乃還柳宗元等皆坐叔文貶溫獨免進戶部員外郎與竇羣羊士諤相昵羣為御史中丞薦溫知雜事士諤為御史宰相李吉甫持之不報溫乘間奏吉甫陰事詰辯皆

妄貶均州刺史議者不厭再貶道州久之徙衡州卒集
十卷內詩二卷今編詩二卷

白雲起封中詩

題中用韻
六十字成

封開白雲起漢帝坐齋宮望在泥金上疑生秘玉中攢
柯初繚繞布葉漸蒙籠日觀祥光合天門瑞氣通無心
已出岫有勢欲凌風儻遣成膏澤從茲遍太空

終南精舍月中聞磬聲詩

題中用韻
六十字成

月峰禪室掩幽磬靜昏氛思入空門妙聲從覺路聞冷

冷滿虛壑杳杳出寒雲天籟疑難辨霜鐘誰可分偶來
遊法界便欲謝人羣竟夕聽真響塵心自解紛

青出藍詩

題中有韻限
四十字成

物有無窮好藍青又出青朱研未

一作方

比德白受始成

形袍襲宜從政衿垂可問經當時不採擷作色幾飄零
奉和李相公早朝於中書候傳點偶書所懷奉

呈門下武相公中書鄭相公

禁門留騎吹內省正衣冠稍辨旂常色尚聞鐘漏殘九

天鑪氣

一作煖

暖六月玉聲寒宿霧開霞觀晨光泛露盤

致君期反樸求友得如蘭政自

一作出

同歸理言成共不

刊準繩臨百度領袖映千官卧鼓流沙靜飛航漲海安

盡規訓主意偕賦代交歡雅韻人間滿多慙竊和難

奉和武中丞秋日臺中寄懷簡諸僚友

時西蕃使迴奉

命追和

聖朝思紀律憲府得中賢指顧風行地儀形月麗天不

仁恒自遠為政復何先虛室唯生白閒情

一作門

却草玄

迎霜紅葉早過雨碧

一作綠

苔鮮魚樂翻秋水烏聲隔暮

烟舊遊多絕席感物遂成篇更許窮荒谷追歌白雪前

吐蕃別

一作列

館和周十一郎中楊七錄事望白

水山作

純精結竒狀皎皎天一涯玉嶂擁清氣蓮峰開白花半

巖晦雲雪高頂澄煙霞朝昏

一作暮

對賓館隱映如仙家

夙聞蘊孤尚終欲窮幽遐暫因行役暇偶得志所嘉明
時無外戶勝境即中華況今舅甥國誰道隔流沙

奉和張舍人閣中直夜思聞雅琴因書事通簡僚友
迢遞天上直寂寞丘中琴憶爾山水韻起予仁智心凝
情在正始超想疎煩襟涼生子夜後月照禁垣深遠風
靄蘭氣微露清桐陰方襲緇衣慶永奉南薰吟

和舍弟惜花絕句

時蕃中
使回

去年無花看今年未看花更聞飄落盡走馬向誰家
和恭聽曉籠中山鵲

掩仰中天意悽愴觸籠音驚曉一聞處傷春千里心

和舍弟讓籠中鷹

未用且求安無猜也不殘九天飛勢在六月日晴寒動
觸樊籠倦閒消肉食難主人憎惡鳥試待一呼看

同恭夏日題尋真觀李寬中秀才書院

閉一作閒院開軒笑語闌江山併入一壺寬微風但覺杉

香滿烈日方知竹氣寒披卷最宜生白室吟詩好就步
虛壇願君此地攻文字如煉仙家九轉丹

同舍弟恭歲暮寄晉州李六協律三十韻

古人猶悲秋况復歲暮時急景迫流念窮陰結長悲陽

鳥下西嶺月鵲驚南枝攬衣步霜砌倚杖臨冰池怳怳

若有失悄悄良不怡忽聞晨起吟宛是同所思有美壯

感激無何遠栖遲摧藏變化用掩抑扶搖姿時傑豈虛

出天道信可欺巨川望汜濟寒谷待潛吹劒匣益精利

玉韜

一作韜

寧磷緇戒哉輕沽諸行矣自寵之伊我抱微

尚仲氏即心期討論自少小形影相差池比來胸中氣

欲耀天下奇雲雨沛蕭艾煙閣雙菱蕤幾年困方枘一

旦迷多歧道因窮理悟命以盡性知事去類絕絃時來
如轉規伊呂偶然得孔墨徒爾為早行多露悔強進觸
藩羸功名豈身利仁義非吾私萬物自身一作生化一夫

何驅馳不如任行止委命

一作分

安所宜勸君休感歎與

予陶希夷明年郊天後慶澤歲華滋曲水杏花雪香街

青柳絲良時且暫歡罇酒聊共持閒過漆園叟醉看五

陵兒寄言思隱

一作所思

處不久來相追

青海西寄竇三端公

時同事弗同窮節厲陰風我役流沙外君朝紫禁中從
容非所羨辛苦竟何功但示酬恩路浮生任轉蓬
蕃中拘留歲餘迴至隴石先寄城中親故

蓬轉星霜改蘭陔色養違窮泉百死別絕域再生歸鏡
數成絲髮囊收技血衣酬恩有何力祇棄一毛微

吐蕃別一作列館卧病寄朝中諸友

星漢縱橫車馬喧風搖玉珮燭花繁豈知羸卧窮荒外

日滿深山一作山頭猶閉門

吐蕃別

一作列

館中和日寄朝中僚舊

清時令節千官會絕域窮山

一作荒

一病夫遙想滿堂歡

笑處幾人緣

一作似

我向西隅

及第後答潼關主人

本欲雲雨化却隨波浪翻一沾太常第十過潼關門志

力且虛棄功名誰復論主人故

一作固

相問暫笑不能言

河中城南姚家浴後題贈主人

新浴振輕衣滿堂寒月色主人有美酒况是曾相識

看渾中丞山桃花初有他客不通晚方得入因
有戲贈

朝來駐馬香街裏風度遙聞語笑聲無事閉門教日晚
山桃落盡不勝情

贈友人

南山雙喬松擢本皆千尋夕流膏露津朝被青雲陰負
雪出深澗搖風倚高岑明堂久不構雲榦何森森匠意
方雕巧時情正誇淫生材會有用天地豈無心

道州夏日郡內北橋新亭書懷贈何元二處士
結構池梁上登臨日幾迴晴空交密葉陰岸積蒼苔爽
氣中央滿清風四面來振衣生羽翰高枕出塵埃齊物
魚何樂忘機鳥不猜閒消炎晝靜選勝火雲開僻遠宜
孱性優游賴廢材願為長泛梗莫作重然灰守道窮非
過先時動是灾寄言徐孺子賓榻且徘徊

道州弘道縣主簿知縣三年頗著廉慎秩滿縣
闕申使請留將赴衡州題其廳事

為理賴同力陟明非所任廢田方懇草新柘未成陰術
淺功難就人疲感易深煩君駐歸棹與慰不欺心

道州將赴衡州酬別江華毛令

此人好書破百
姓布絹頭及妄

杖行

布帛精麤任土宜疲人識信

一作性

每先

一作相

期明朝別

後無他囑雖是蒲鞭也莫施

道州夏日早訪荀

一作苗

參軍林園敬酬見贈

高眠日出始開門竹徑旁通到後園陶亮橫琴空有意

任棠置水竟無言松窗宿翠含風薄
槿援一作院朝花帶

露繁山郡本來車馬少更容相訪莫辭喧

道州敬酬何處士懷郡樓月夜之作

清質悠悠素彩融長川

一作天

迥

一作迴

陸合

一作向

為空佳

人甚近山城閉夏

一作一

夜相望水鏡中

道州敬酬何處士書情見贈

意氣曾傾四國豪偶來幽寺息塵勞
嚴陵釣處江初滿

梁甫吟時月正高新識幾人知
杞梓故園何處長蓬蒿

期君自致青雲上不用傷心歎二毛

戲贈靈澈上人

僧家亦有芳春興自是禪心

一作心源

無滯境君看池水湛

然時何曾

一作時

不受花枝影

二月一日是貞元舊節有感絕句寄黔南賓三

洛陽盧七

一作寄竇三任黔南盧七任洛陽

同事

一作侍

先皇立玉墀中和舊節又支離今朝各自看

花處萬里遥知掩淚時

初發道州蒼崔三連州題海陽亭見寄絕句

吏中習隱好躋攀不擾疲人便是閒聞說慇懃海陽事
令人轉憶舜祠山

答段秀才

盡日看花君不來江城半夜與一作為君開樓中共指南

園火紅燼隨花落碧苔

宗禮欲往桂州苦雨因以戲贈

農人辛苦綠苗齊正愛梅天水滿隄知汝使車行意速

但令驄

一作駿

馬著鄣泥

道州奉寄襄陽裴相公

悠悠世路自浮沈豈問

一作聞

仁賢待物心最憶過時留

宴處艷歌催酒後亭深

御定全唐詩卷三百七十

欽定四庫全書薈要卷一萬七千七百七十六

集部

御定全唐詩卷三百七十一

呂溫

吐蕃別

一作列

館月夜

三五窮荒月還應照北堂迴身向暗卧不忍見圓光

望思臺作

浸潤成宮蠱蒼黃弄父兵人情疑始變天性感還生宇
縣猶能洽閨門詎不平空令千載後悽愴望思名

孟冬蒲津關河亭作

息駕非窮途未濟豈迷津獨立大河上北風來吹人雪
霜自茲始草木當更新嚴冬不肅殺何以見陽春

鞏路感懷

馬嘶白日暮劒鳴秋氣來我心浩一作無際河上空徘徊

題梁宣帝陵二首

即讐終自翦覆國豈為雄假號孤城裏何殊一作在甬

東

祀夏功何薄尊周義不成淒涼庾信賦千載共傷情

岳陽懷古

晨飈發荊州落日到巴丘方知剗剗利可接鬼神遊二
湖豁南寢九派駛東流襟帶三千里盡在岳陽樓憶昔
鬪羣雄此焉爭上游吳昌屯帟旅晉盛驚龍舟宋齊紛
禍難梁陳成寇讐鐘鼓長震耀魚龍不得休風雪一蕭
散功業忽如浮今日時無事空江滿白鷗

道州途中即事

零桂佳山水榮陽舊自

一作日

同經途看不暇遇境說難

窮疊嶂青時合澄湘漫處空舟移明鏡裏路入畫屏中

巖壑千家接松蘿一徑通漁煙

一作燈

生縹緲犬吠隔龍

葱戲鳥留餘翠幽花恠

一作悅

晚紅光翻沙瀨日香散橘

園風信美非吾土分憂屬賤躬守愚資地僻卹隱望年

豐且保心能靜那求政必工課終如免戾歸養洛城東

登少陵原望秦中諸川太原王至德妙用

一本無用

字
有水術因用感歎

少陵最高處曠望極秋空君山噴清源脉散秦川中荷

鍤自

一作動

成

一作成雲

雨由來非鬼工如何盛明代委棄傷

幽風涇灞徒絡繹漆沮虛會同東流滔滔去沃野飛秋
蓬大禹平水土吾人得其宗發機迴地勢運思與天通
早欲獻奇策豐財叙西戎豈知年三十未識大明宮卷
爾出岫雲追吾入冥鴻無為學驚俗狂醉哭途窮

奉敕祭南嶽十四韻

皇家禮赤帝謬獲司風域致齋紫蓋下宿設祝融側鳴

澗驚宵寐清猿通時刻澡潔事夙興簪佩思盡

一作畫

飾

危壇象嶽趾祕殿翹翬翼登拜不遑願

一作顧

酌獻皆累

息贊道儀匪繁祝史詞甚直忽覺心魂悸如有精靈逼

漠漠雲氣生森森杉栢黑風吹虛簫韻露洗寒玉色寂

寞有至公馨香在明德禮成謝邑吏駕言歸郡職憩桑

訪蠶事遵疇課農力所願風雨時迴首瞻南極

經河源軍漢邨作

行行忽到舊河源城外千家作漢村
樵採未侵征虜墓耕耘猶就破羌屯
金湯天險長全設伏臘華風亦暗存
暫駐單車空下淚有心無力復何言

題河州赤岸橋

左南橋上見河州遺老相依赤岸頭
匣塞歌鐘一作受恩者誰憐被髮哭東流

題陽人城

忠驅義感即風雷誰道南方乏武才
天下起兵誅董卓

長沙子弟最先來

晉王龍驤墓

虎旗龍艦順長

一作天

風坐引全吳入掌中
孫皓小兒何

足取便令千載笑爭功

題石勒城二首

長驅到處積人頭
大旆連營壓上游
建業烏棲何足問
慨然歸去王中州

天生傑異固難馴
應變摧枯若有神
夷甫自能疑倚嘯

忍將虛誕誤時

一作人
吳

劉郎浦口號

吳蜀成婚此水潯明珠步障幄黃金誰將一女輕天下
欲換劉郎鼎峙心

自江華之衡陽途中作

孤棹遲遲悵有違沿湘數日逗晴暉人生隨分為憂喜
迴雁峰南是北歸

吐蕃別

一作列

館送楊七錄事先歸

愁雲重拂地飛雪亂遙程莫慮前山暗歸人正眼

一作眼自

明

奉送范司空赴朔方

得游字

築壇登上將膝席委前籌虜滅南侵迹朝分北顧憂抗

旌迴廣漠撫劒動旄頭坐見黃雲暮行看白草秋山橫

舊秦塞河繞古靈州戍

一作善

守如無

一作兵家又作知兵

事惟應

獵騎游

送文暢上人東遊

隨緣聊振錫高步出東城水止

一作月上

無恒地雲行不計

程到時為彼岸過處即前生今日臨岐別吾徒自有情

喜儉北至送宗禮南行

洞庭舟始泊桂江帆又開魂從會處斷愁向笑中來
惆悵看殘景殷勤祝此盃衡陽刷羽待成取一行迴

送段九秀才歸澧州

湘南孤白芷幽託在清潯豈有

一作在

馨香發空勞知處

深推賢路已隔賑乏力不

一作弗

任慙我一言分貞君千

里心寸義薄聯組片誠敵魚金方期踐冰雪無使弱思侵

衡州送李十一兵曹赴浙東

慷慨視別劍淒清

一作涼

泛離琴前程楚塞斷此恨

一作別

作別恨

洞庭深文字已久廢循良非所任期君碧雲上千

里一揚音

臨洮送袁七書記歸朝

時袁生作僧蕃人呼為袁師

憶年十五在江湄聞說平涼且半疑豈料殷勤洮水上

却將家

一作歸

信託

一作寄

袁師

江陵酒中留別坐客

尋常縱恣倚青春不契心期便不親
今日煙波九疑去相逢盡是眼中人

道州酬送何山人之容州

匣有青萍筒

一作筒

有書何門不可曳長裾應須定取真

知者遣對明君說子虛

道州送戴簡處士往賀州謁楊侍郎

羸馬孤童鳥道微三千客散獨南歸
山公念舊偏知我今日因君淚滿衣

春日遊郭駙馬大安亭子

戚里容閒客山泉若化成
寄遊芳徑好借賞彩船輕春
至花常滿年多水更清
此中如傳舍但自立功名

楚州追制後舍弟直

一作在

長安縣失囚花下共

飲

天子收郡印京兆責獄囚
狂兄與狂弟不解對花愁

衡州歲前遊合江亭見山櫻蕊未折因賦含彩
悵驚春

山櫻先春發紅蕊滿霜枝幽處竟誰見芳心空自知似
奪朝日照疑畏煖風吹欲問含彩意恐驚輕薄兒

衡州登樓望南館臨水花呈房戴段李諸公

天桃臨方塘暮色堪秋思託根豈求潤照影非自媚
眉挂青柳絲零落綠錢地佳期竟一作意何許時有幽禽至

合江亭檻前多高竹不見遠岸花客命翦之感

而成咏

吉凶豈前卜人事何翻覆緣看數日花却翦凌霜竹常
言契君操今乃妨衆目自古病當門誰言出幽獨

道州春遊歐陽家林亭

道州城北歐陽家去郭一里占烟霞主人雖樸甚有思
解留滿地紅桃花桃花成泥不須掃明朝更訪桃源老
政成興足告即

一作即告
又作則告

歸門前便是家山道

衡州早春偶遊黃溪口號

偶尋黃溪日欲沒早梅未盡山櫻發無事江城閉此身
不得坐待花間月

衡州夜後把火看花留客

紅芳暗一作暖

落碧池頭把火遙看且

一作更

少畱半夜忽

然風更起明朝不復上南樓

夜後把火看花南園招李十一兵曹不至呈座

上諸公

天桃紅燭正相鮮傲吏閒齋困獨眠應是夢中飛作蝶

悠揚只在此花前

順宗至德大聖大安孝皇帝挽歌詞三首

遐視輕神寶傳歸屬聖猷堯功終有待文德本無憂坐
受朝汾水行看告岱丘那知鼎成後龍馭弗淹留

監撫垂三紀聲徽洽萬方禮因馳道著明自墾田彰積
漸承鴻業從容守太康更留園寢詔恭聽有餘芳

早秋同軌至晨旆露華滋挽度千夫咽笳凝六馬遲劒
悲長閉日衣望出遊時風起西陵樹淒涼滿孝思

詠蜀客石琴枕

可憐他山石幾度

一作歲

負貞堅推遷強為用彫斲傷自

然文含巴江浪色起青城煙更聞餘玉聲時入朱絲弦
河南府試贖帖賦得鄉飲酒詩

酌言修舊典刈楚始登堂百拜賓儀盡三終樂奏長想
同鶯出谷看似雁成行禮罷知何適隨雲入帝鄉

賦得失羣鶴

杳杳冲天鶴風排勢暫違有心長自負無伴可相依萬

里寧辭遠三山詎憶歸但令毛羽在何處不翻飛

道州南樓換柱

鴻災起無朕有見非前知蟻入不足惜柱傾何可追良
工操斤斧沉吟方在斯殫材事朽廢曷若新宏規

道州北池放鵝

我非好鵝癖爾乏鳴雁姿安得免沸鼎澹然遊清池見
生不忍食深情固在斯能自遠飛去無念稻粱為

迴風有懷

銀宮翠島煙霏霏

一作非非

珠樹玲瓏朝日暉
神仙望見不

得到却逐迴風何處歸

蕃中答退渾詞二首

退渾種落盡在而為吐蕃所鞭撻有譯者訴情於予

故以此答之

退渾兒退渾兒朔風長在氣何哀
萬羣鐵馬從奴虜強弱由人莫歎時

退渾兒退渾兒冰消青海草如絲
明堂天子朝萬國神島龍駒將與誰

上官昭容書樓歌

貞元十四年友人崔仁亮於東都買得研神記一卷有昭

容列名書縫處因用感歎而作是歌

漢家婕妤唐昭容工詩能賦千載同自言才藝是天真
不服丈夫勝婦人歌闌舞罷閒無事縱恣優游弄文字

玉樓寶架中天居絨奇秘異萬卷餘水精編帙綠鈿軸
雲母搗紙黃金書風吹一作飄花露清旭時綺窓高挂紅

綃帷香囊盛煙繡結絡翠羽拂案青一作碧琉璃吟披嘯

卷終一作紛無已皎皎淵機破一作碎研理詞縈彩翰紫鸞

迴思耿寥天碧雲起碧雲起心悠哉境深轉苦坐自摧

一作催

金

一作玉

梯珠履聲一斷瑤階日夜生青苔青苔祕

空

一作九

關曾比羣玉山神仙杳何許遺逸滿人間君不

見洛陽南市賣書肆有人買得研神記紙上香多蠹不
成昭容題處猶分明令人惆悵難為情

聞砧有感

千門儼雲端此地富羅紈秋月三五夜砧聲滿長安幽
人感中懷靜聽淚汎瀾所恨搗衣者不知天下寒

早覺有感

一作懷

東方殊未明暗室蟲正飛先覺忽先起衣裳顛倒時嚴
冬寒漏長此夜如何其不用思秉燭扶桑有清暉

冬日病中即事

墻下長安道囂塵咫尺間久牽身外役暫得病中閒背
喜朝陽滿心憐暮鳥還吾廬在何處南有白雲山

病中自戶部員外郎轉司封

羸卧承新命優容獲所安遣兒迎賀客無力拂塵冠偃

仰睛軒暖支離曉鏡寒那堪報恩去感激對衰蘭

久病初朝衢中即事

沉痾曠十旬還過直城闐老馬猶知路羸童欲怕人久
隳三徑計更強百年身許國將何力空生衣上塵

道州城北樓觀李花

夜疑關山月曉似沙場雪曾使西域來幽情望超越將
念浩無際欲言忘所說豈是花感人

一作感
懷抱

自憐抱孤

節

道州秋夜南樓卽事

誰念

一作憐
又作令

獨坐愁日暮此南樓雲去舜祠閑月明瀟

水流猿聲何處曉楓葉滿山秋不分

一作照

匣中鏡少年

看白頭

道州觀野火

南風吹烈焰焰燒楚澤陽景當晝遲

一作連

陰天半夜

赤過處若彗掃來時如電激豈復辨蕭蘭

一作艾

馬能分

玉石蟲蛇盡爍爛虎兕出

一作亦

奔迫積穢

一作皆

蕩除

和氣始融液堯時既敬授禹稼斯肇迹

一作植

遍生合穎

禾大秀兩岐麥家有京坻詠人無溝壑感乃悟焚如功
來歲終受益

衡州早春二首

碧水何逶迤東風吹沙

一作春

草煙波千萬

一作里

曲不辨

嵩陽道

病肺不飲酒傷心不看花惟驚望鄉處猶自隔長沙

郡內書懷寄劉連州竇夔州

朱邑何為者桐鄉有古祠我心常所慕二郡老人知

偶然作二首

棲棲復汲汲忽覺年四十今朝滿衣淚

一作淚滿衣

不是傷

春泣

中夜兀然坐無言空涕洟丈夫志氣事兒女安得知

古興

越歐百鍊時楚卞三泣地二寶無人識千齡皆棄置空
巖起白虹古獄生紫氣安得命世客直來開奧秘劒任

剗鐘看玉從投火試必能絕疑惑然後論奇異

風詠

微風生青蘋習習出金塘輕搖深林翠靜獵幽徑芳掩
抑時未來鴻毛亦無傷一朝乘嚴氣萬里號清霜北走
摧鄧林東去落扶桑掃却垂天雲澄清無私光悠然返
空寂晏海通舟航

鏡中歎白髮

年過潘岳纔三歲還見星星兩鬢中縱使他時能早達

定知不作黑頭公

友人邀聽歌有感

文章拋盡愛功名三十無成白髮生
辜負壯心羞欲死
勞君貴買斷腸聲

貞元十四年旱甚見權門移芍藥花

綠原青壠漸成塵汲井

一作水

開園日日新四月帶花移

芍藥不知憂國是何人

冬夜即事

百憂攢心起復卧夜長耿耿不可過風吹雪片似花落
月照冰文如鏡破

道州郡齋卧疾寄東館諸賢

東池送客醉年華聞道風流勝習家獨卧郡齋寥落意
處一作隔簾微雨濕梨花

讀小弟詩有感因口號以示之

憶吾一作君未冠賞年華二十年間在咄嗟今來羨汝看

花歲似汝追思昨日花

讀句踐傳

丈夫可殺不可羞如何送我海西頭更生更聚終須報
二十年間死即休

道州月歎

追述蕃中事與
道州對言之

別館月犁牛冰河金山雪道州月霜樹子規啼是血壯
心感此孤劍鳴沉火在灰殊未滅

風歎

青海風飛沙射面隨驚蓬洞庭風危檣欲折身若空西

馳南走有何事會須一決百年中

道州感興

當代知文字先皇記姓名七年天下立萬里海西行苦
節終難辨勞生竟自輕今朝流落處嘯水繞孤城

和李使君三郎

一作兄弟

早秋城北亭宴崔司士因

寄關中張評事

黃花古城路上盡見青山桑柘晴川口牛羊落照間野
情隨卷幔塵事隔重關道合偏重賞官微獨不閒鶴分

琴久罷書到雁應還為謝登臨客瓊林

一作枝

寄一攀

題從叔園林

阮宅閒園暮窻中見樹陰樵歌依野草僧語過長林
鳥向花間井人彈竹裏琴自嫌身未老已有住山心

送僧歸漳州

幾夏京城住今朝獨遠歸脩行四分律護淨七條衣
溪寺黃橙熟沙田紫芋肥九龍潭上路同去客應稀

御定全唐詩卷三百七十一


謹案卷三百六十七第四頁後六行丁丁漏永夜
何長刊本永訛水據別本改

第六頁前一行秋思二首按別本作秋夜曲

卷三百六十九第十頁前八行羨獼猴兮著衣裳

刊本獼訛獼據別本改





總校官庶吉士臣張能照

校對官中書臣張塤

謄錄監生臣周嘉猷

欽定四庫全書薈要

集部

御定全唐詩卷三百七十一

四二五

詳校官候補通寄經歷臣郭祚職



欽定四庫全書薈要卷一萬七千七百七十七

集部

御定全唐詩卷三百七十二

孟郊

字東野湖州武康人少隱嵩山性介少諧合韓愈
見為忘形交年五十得進士第調溧陽尉縣有投金

瀨平陵城林薄蒙翳下有積水郊間往坐水旁裴回賦
詩曹務多廢令白府以假尉代之分其半奉鄭餘慶為
東都留守署水陸轉運判官餘慶鎮興元奏為叅謀卒

張籍私謚曰貞曜先生郊為詩有理致最為愈所稱然
思苦奇澁李觀亦論其詩曰高處在古無上平處下顧
二謝云集十卷今編詩十卷

列女

一作婦操

梧桐相待老鴛鴦會雙死貞女貴狗夫捨生亦如此波
瀾誓不起妾心井中水

灞上輕薄行

長安無緩步況值天景莫相逢灞澹間親戚不相顧自

歎方拙身忽隨輕薄倫常恐失所避化為車轍塵此中
生白髮疾走亦未

一作歇
不得

長安羈旅行

十日一理髮每梳飛旅塵三旬九過飲每食唯舊貧萬
物皆及時獨余不覺春失名誰肯訪得意爭相親直木
有恬翼靜流無躁鱗始知喧競場莫處君子身野策藤
竹輕山疏薇蕨新潛歌歸去來事外風景真

長安道

胡風激秦樹賤子風中泣家家朱門開得見不可入長
安十二衢投樹鳥亦急高閣何人家笙簧正喧吸

送遠吟

河水昏復晨河邊相送頻離杯有淚飲別柳無枝春一
笑忽然歛萬愁俄已新東波與西日不惜遠行人

古薄命妾

不惜十指絃為君千萬彈常恐新聲至

一作發

坐使

一作使我

故聲

一作曲

殘棄置今日悲即是昨日歡將新變故易持

一作將
一作變

故為新難青山有蘼蕪淚葉長不乾空令後代

人采掇幽思攢

一作思
幽蘭

古離別

一作對
景惜別

松山雲繚繞萍路

一作合

水分離雲去有歸日水分無合

時春芳

一作芳景

役雙眼

一作目

春色柔四支楊柳織別愁千

條萬條絲

雜怨

一作古樂
府雜怨

憶人莫至悲至悲空自衰寄人莫剪衣剪衣未必歸朝

為雙

一作同

蒂花莫為四散飛花落還遶樹遊子不顧期

天桃花清晨遊女紅粉新天桃花薄莫遊女紅粉故樹

有百年

一作度

花人無一定顏花送人老盡人悲花自閒

貧女鏡不明寒花日

一作日花

少容暗蛰有虛織短線無長

縫浪水不可照狂夫不可從浪水多散影狂夫多異蹤

持此一生薄空成萬

一作百

恨濃

靜女吟

艷女皆妬色靜女獨檢蹤任禮恥任粧嫁德不嫁容君

子易求聘小人難自從此志誰與諒琴弦幽韻重

歸信吟

淚墨灑為書將寄萬里親書去魂亦去兀然空一身

山老吟

不行山下地唯種山上田腰斧斫旅松手瓢汲家泉詎
知文字力莫記日月遷蟠木為我身始得全天年

遊子吟

自註迎母
漂上作

慈母手中線遊子身上衣臨行密密縫意恐遲遲歸誰

言

一作難將

寸草心報得三春暉

小隱吟

我飲不在醉我歡長寂然酌溪四五盞聽彈兩三弦鍊

性靜棲白

一作日

洗情深寄玄

一作塞淵

號怒路傍子貪敗不

貪全

苦寒吟

天寒色

一作色寒

青蒼北風叫枯桑厚冰無裂文短日有冷

光敲石不得火壯陰奪正

一作正奪

陽苦調竟

一作更

何言凍

一作
吟成此章

猛將吟

擬膾樓蘭肉蓄怒時未揚秋輦無退聲夜劒不隱光虎
隊手驅出豹篇心卷藏古今皆有言猛將出北方

傷哉行

衆毒蔓貞松一枝難久榮豈知黃庭客仙骨生不成春
色捨芳蕙秋風遶枯莖彈琴不成曲始覺知音傾館月
改舊照弔賓寫餘情還舟空江上波浪送銘旌

怨詩

一作古怨

試妾與君淚兩處滴池水看取芙蓉花今年為誰死

湘弦怨

昧者理芳草蒿

一作蕭

蘭同一鋤狂

一作盲

颺怒

一作怨

秋林

曲直同一枯嘉木忌深蠹哲人悲巧誣靈均入迴流蘄

尚為良謨我願分衆泉清濁各異

一作有

渠我願分衆巢

巢鸞相遠居此志諒難保此情竟何如湘弦少知音孤

響空踟躕

楚竹吟酬盧虔端公見和湘弦怨

握中有新聲楚竹人未聞識音者謂誰清

一作靜

夜吹贈

君昔為瀟湘引曾動瀟湘雲一叫鳳改聽

一作聰

再驚鶴

失

一作出

羣江花匪秋落山日當晝曛衆濁響雜沓孤清

思氛氲欲知怨有

一作者

形願向明月分一掬靈均淚千

年湘水文

遠愁曲

颺颺何所從遺塚行未逢東西不見人哭

一作泣

向青青

松此地有時盡此哀無處容聲翻太白雲淚洗藍田峰

水涉七八曲山

一作石

登千萬重願邀

一作迴

玄夜月

一作靈

出視白日蹤

貧女詞寄從叔先輩簡

蠶

一作貧

女非不勤今年獨無春二月冰雪深死盡萬木

身時令自逆行造化豈不仁仰企碧霞仙高控滄海雲
永別勞苦場飄飄遊無垠

邊城吟

西城

一作城

近日

一作水

天俗稟氣候偏行子獨自渴主

一作

居

人仍賣泉燒烽碧雲外牧馬青坡巔何處鶻突

一作幽

夢歸思寄仰

一作酒眠

新平歌送許問

邊柳三四尺暮春

一作莫

離別歌早迴儒士駕莫飲土番

河誰識匣

一作篋

中寶楚雲章句多

殺氣不在邊

殺氣不在邊凜然中國秋道險不在山平地有摧輶河

南一作中

又起兵清濁俱鎖流豈唯私客艱擁滯官行舟

況余隔晨昏去家成阻修忽然兩鬢雪同

一作固

是一日

愁獨寢夜難曉起時星漢浮涼風蕩天地日夕聲颼颼

萬物無少色兆人皆老憂長策苟未立丈夫

一作志士

誠可

羞靈響復何事劍鳴思戮讐

結愛

一作古結愛

心心復心心結愛務在深一度欲離

一作言

別千迴結衣

襟結妾獨守

一作棲

志結君早歸意始知結衣裳不如結

心腸坐結行亦結結盡百年月

弦歌行

驅儼擊鼓吹長笛瘦鬼染面惟齒白暗中萃萃拽茅鞭
保足朱禪一作禪行戚戚相顧笑聲衝庭燎挑弧射矢時

獨叫

覆巢行

荒城古木枝多枯飛禽嗷嗷朝哺雛枝傾巢覆雛墜地
烏鳶下啄更相呼陽和發生均孕育鳥獸有情知不足

枝危巢小風雨多未容長成已先覆靈枝珍木滿上林
鳳巢阿閣重且深爾今所托非本地烏鳶何得同

一作知

爾心

出門行

長河悠悠去無極百齡同此可歎息秋風白露霑人衣
壯心凋落奪一作舊顏色少年出門將訴誰川無梁兮路

無歧一聞陌上苦寒奏使我佇立驚且悲君今得意厭
梁肉豈復念我貧賤時

海風蕭蕭天雨霜窮愁獨坐夜何長驅車舊憶太行險
始知遊子悲故鄉美人相思隔天闕長望雲端不可越
手持琅玕欲有贈愛而不見心斷絕南山峩峩白石爛
碧海之波浩漫漫參辰出沒不相待我欲橫天無羽翰

湘妃怨

一作湘
靈祠

南巡竟不返二妃

一作
帝子

怨一作
悲

逾積萬里喪蛾眉瀟湘

水空碧冥冥荒山下古廟收貞魄喬木深青春清光滿

一作
肅

瑶席褰芳徒有

一作
自

薦靈意殊脉脉玉珮不可親

徘徊煙波夕

巫山曲

巴江上峽重復重
陽臺碧峭十二峰
荆王獵時逢暮雨
夜臥高丘夢神女
輕紅流煙濕艷姿
行雲飛去明星稀
目極魂斷望不見
猿啼三聲淚滴衣

巫山高

一作行

見盡數萬里不聞三聲猿
但飛蕭蕭雨中有一作鬱亭亭

魂千載楚王

一作襄

恨遺文宋玉言至今晴明天

一作冥裏青

雲結深閨門

楚怨

秋入楚江水獨照汨羅魂手把綠

一作
芰

荷泣意愁珠淚

翻九門不可入一犬吠千門

塘下行

塘邊日欲斜年少早還家徒將白羽扇調妾木蘭花不
是城頭樹那棲來去鴉

臨池曲

池中春蒲葉如帶紫菱成角蓮子大羅裙蟬鬢倚

一作寄

迎風雙雙伯勞飛向東

車遥遥

路喜到江盡江上又通舟舟車兩無阻何處不得遊丈
夫四方志女子安可留郎自別日言無令生遠愁旅雁
忽叫月斷猿寒啼秋此夕夢君夢君在百

一作北

城樓寄

一作寒

淚無因

一作回

波寄恨無因

一作回

輶願為馭者手與

郎迴馬頭

征婦怨

良人昨日去，明月又不圓。別時各有淚，零落青樓前。君

淚濡羅巾，妾淚滿路塵。羅巾長

一作去

在手，今得隨妾身。

路塵如得

一作因

風得上君車輪

前四句一本別作一首

漁陽千里道，近如中門限。中門踰有時，漁陽長在眼。生

在綠

一作絲

羅

一作蘿

下不識漁陽道，良人自成來。夜夜夢

中到

前四句一本別作一首

空城雀

一雀入官倉所食寧損幾祇慮往覆頻官倉終害爾魚
網不在天鳥羅不張水飲啄要自然可以空城裏

閒怨

一作
閨怨

妾恨比斑竹下盤煩冤根有筍未出土中已含淚痕

羽林行

朔雪寒斷指朔風勁裂冰胡中射鵰者此日猶不能翩
翩羽林兒錦臂飛蒼鷹揮鞭快一作決白馬走出黃河凌

古意

河邊織女星
河畔牽牛郎
未得渡清淺
相對遙相望

古別離

欲別牽郎衣
郎今到何處
不恨歸來遲
莫向臨邛去

遊俠行

壯士性剛決
火中見石裂
殺人不迴頭
輕生如暫別
豈知眼有淚
肯白頭
上髮半一作平生無恩酬
劍閒一百月

黃雀吟

黃雀舞承塵
倚恃主人仁
主人忽不仁
買彈彈爾身
何

不遠飛去蓬蒿正繁新蒿粒無人爭食之足為珍莫覩
翻車粟覩翻罪有因黃雀不知言贈之徒慙慙

有所思

枯槔烽火晝不滅客路迢迢信難越古鎮刀攢萬片霜
寒江浪起千堆雪此時西去定如何空使南心遠淒切

求仙曲

仙教生為門仙宗靜為根持心若

一作苦

妄求服食安足

論鑪惑有靈藥餌真成本源自當出塵網馭鳳登

一作升

崑崙

嬋娟篇

花嬋娟泛春泉竹嬋娟籠曉煙
妓嬋娟不長妍月嬋娟真可憐
夜半姮娥朝太一人間本自無靈匹
漢宮承寵不多時飛燕婕妤相妬嫉

南浦篇

南浦桃花亞水紅水邊柳絮由春風
鳥鳴啾啾煙濛濛自從遠送對悲翁
此翁已與少年別唯憶深山深谷中

清東曲

櫻桃花參差香雨紅霏霏含笑

一作笑

競攀折美人濕羅

衣采采清東曲明眸艷珪玉青巾幘上郎上下看不足

南陽公

一作宮

首詞編入新樂錄

望遠曲

朝朝候歸信日日登高臺行人未去植庭梅別來三見
庭花開庭花開盡復幾時春光駘蕩阻佳期愁來望遠
煙塵隔空憐綠鬢風吹白何當歸見遠行客

御定全唐詩卷三百七十二

欽定四庫全書薈要卷一萬七千七百七十八

集部

御定全唐詩卷三百七十三

孟郊

織婦

一作女辭

夫是田中郎妾是田中女當年嫁得君為君秉機杼筋力日已疲不息窻下機如何織紵素自著藍縷衣官家
榜村路更索栽桑樹

古意

蕩子守邊戍佳人莫相從去來年月多苦愁改形容上

山復下山踏草成古縱徒言采薜蘿十度一不逢鑒獨

是明月識志唯寒松并桃始開花一見悲萬重人顏不

再春桃色有再濃捐

一作指

氣入空房無慆乍

一作自

從容

啟貼理針線非獨學裁縫手持未染綵繡為白芙蓉芙

蓉無染污將以表心素欲寄未歸人當春無信去無信

反增愁愁心緣隴頭願君如隴水冰鏡水還流宛宛青

絲線

一作繩

纖纖白玉鉤玉鉤不虧缺青絲無斷絕迴還

勝雙手解盡心中結

折楊柳

楊柳多短枝短枝多別離贈遠屢攀折柔條安得垂青
春有定節離別無定時但恐人別促不怨來遲遲莫言
短枝條中有長相思朱顏與綠楊併在別離期

樓上春風過風前楊柳歌枝疎綠別苦曲怨為年多花
驚燕地雲葉映楚池波誰堪別離此征戍在交河

和丁助教塞上吟

哭雪復吟雪廣文丁夫子江南萬里寒曾未及如此整
頓氣候誰言從生靈始無令惻隱者哀哀不能已

古怨別

颯颯秋風生愁人怨離別含情兩相向欲語氣先咽心
曲千萬端悲來却難說別後唯所思天涯共明月

古別曲

山川古今路縱橫無斷絕來往天地間人皆有離別行
衣未束帶中腸已先結不用看鏡中自知生白髮欲陳

去留意聲向言前咽愁結填心胸茫茫若為一作君說荒

郊煙莽蒼曠野風淒切處處得相隨人那不如月

戲贈陸大夫十二丈

一作樂府戲贈陸大夫十二丈

蓮子不可得荷

一作蓮

花生水中猶勝道傍柳無事

一作時

蕩春風

渌萍與荷葉同此

一作在

一水

一作泉

中風吹荷葉在渌萍

西復東

蓮葉未

一作花不

開時苦心終日卷春水

一作風

徒蕩漾荷

一作

蓮

花未開展

勸善吟

醉會中贈
郭行餘

瘦郭有志氣相哀老龍鍾勸我少吟詩俗窄難爾容一
口百味別況在醉會中四座正當喧片言何由通顧余
昧時調居止多踈慵見書眼始開聞樂耳不聰視聽互
相隔一身且莫同天疾難自醫詩癖將何攻見君如見
書語善千萬重自悲咄咄感變作煩惱翁煩惱不可欺
一作不可欺古劍

古劍澁亦雄知君方少年少年懷古風藏書

拄屋脊不惜與凡聾我願拜少年師之學崇崇從他笑
為矯矯善亦可宗

望夫石

望夫石夫不來兮江水碧行人悠悠朝與暮千年萬年
色如故

寒江吟

冬至日光白始知陰氣凝寒江波浪凍

一作急

千里無平

水飛鳥絕高羽

一作樹一作去

行人皆宴興荻洲素浩渺碕岸

漸破礮煙舟忽自阻風帆不相乘何況異形體信任為
股肱涉江莫涉凌得意須得朋結交非賢良誰免生愛
憎凍水有再浪失飛有載騰一言縱醜詞萬響無善應
取鑒諒不遠江水千萬層何當春風吹利涉吾道弘

審交

種樹須擇地惡土變木根結交若失人中道生謗言君

子芳桂性春榮冬

一作濃寒

更繁小人槿花心朝在夕不存

莫躡冬冰堅中有潛浪翻唯當金石交可以

一作與

賢達

論

怨別

一別一迴老志士白髮早在富易為容居貧難自好沈

憂損性靈服藥亦枯槁秋風遊

一作客

子衣落日行遠道

君問

一作問君

去何之

一作住蹤

賤身難

一作寧

自保

百憂

萱草女兒花不解壯士憂壯士心是劍為君射斗牛朝

思除國讐

一作難

莫思除國讐計盡山河畫意窮草木壽

智士日千慮愚夫唯四愁何必在波濤然後驚

一作生

沈

浮伯倫心不醉四皓迹難留出處各有時衆議徒啾啾

路病

病客無主人艱哉求臥難飛光赤道路內火焦肺肝欲
飲井泉竭欲醫囊用單稚顏能幾日壯志忽已殘人子

不言苦歸書但云

一作言

安愁環在我腸宛轉終無端

衰松

近世交道衰青松落顏色人心忌孤直木性隨改易既

摧棲日榦未展擎天力終是君子材還思君子識

遣興

弦貞五條音

一作五音調

松直百尺心貞弦含古風直松凌

高岑浮聲與狂葩胡為欲相侵

退居

一作退老

退身何所食

一作何食可

敗力不能

一作得

閒種稻耕白水負

薪斫青山衆聽喜已唱獨醒愁楚顏日莫靜歸時幽幽

扣松關

臥病

貧病誠可羞故牀無新裘

一作貧病對客
羞數整藍縷裘

春色燒肌膚

時食苦咽喉倦寢意蒙昧強言聲幽柔承顏自俛仰有
淚不敢流默默寸心中朝愁續莫愁

隱士

本末一相返漂浮

一作泊

不還真山野多餒士市井無飢

人虎豹忌當道麋鹿知藏身奈何貪競者日與患害親

顏貌歲歲改利心朝朝新孰知富生

一作者

禍取富不取

貧寶玉忌出璞出璞先為塵松栢忌出山出山先為薪
君子隱石壁道書為我隣寢興思其一作義澹泊一作源
味始真陶公自放歸尚平去一作正有依草木擇地生禽
鳥順性飛青青與冥冥所保各不違

獨愁

一作獨怨一作贈韓愈

前日遠別離昨日生白髮欲知萬里情曉臥半牀月常
恐百蟲鳴使我芳草歇

春日有感

雨滴草芽出一日長一日風吹柳線垂一枝連一枝獨
有愁人顏經春如等閒且持酒滿杯狂歌狂笑來

將見故人

故

一作佳

人季夏中及此百餘日無日不相思明鏡改形

色

一作質

寧知仲冬時忽有相逢期振衣起躑躅頰鯉躍

天池

傷時

常聞貧賤士之常嗟爾

一作草木

富者莫相笑男兒得路即

榮名邂逅失途成不調古人結交而重義今人結交而
重利勸人一種種桃李種亦直須遍天地一生不愛囑
人事囑即直須為生死我亦不羨季倫富我亦不笑原
憲貧有財有勢即相識無財無勢同路人因知世事皆
只一作如此却向東溪臥白雲

寓言

誰言碧山曲不廢青松直誰言濁水泥不汚明月色我
有松月心俗騁風霜力貞明既如此摧折安可得

偶作

利劍不可近美人不可親
利劍近傷手美人近傷身
道險不在廣十步能摧輪
情愛一作憂不在多一夕能傷神

勸學

擊石乃有火不擊元無煙
人學始知道不學非自然
萬事須已運他得非我賢
青春須早為豈能長少年

贈農人

勸爾勤耕田盈爾倉中粟
勸爾伐桑株減爾身上服
清

霜一委地萬草色不綠狂飈一入林萬葉不著木青春
如不耕何以自結束

長安早春

旭日朱樓光東風不驚

一作起

塵公子醉未起美人爭探

春探春不為桑探春不為麥日日出西園祇望花柳色
乃知田家春不入五侯宅

罪松

雖為青松姿霜風何所宜二月天下樹綠於青松枝勿

謂賢者喻勿謂愚者規伊吕代封爵夷齊終身飢彼曲
既在斯我正實在茲涇流合渭流清濁各自持天令設
四時榮衰有常期榮合隨時榮衰合隨時衰天令既不
從甚不敬天時松乃不臣木青青獨何為

感興

拔心草不死去根抑亦榮獨有失意人恍然無力行昔
為連理枝今為斷絃聲連理時所重斷絃今所輕吾欲
進孤舟三峽水不平吾欲載車馬太行路崢嶸萬物根

一氣如何互相傾

感懷

秋氣悲萬物驚風振長道登高有所思寒雨傷百草平生有親愛零落不相保五情今已傷安得自能老

晨登洛陽坂目極天茫茫羣物歸大化六龍頽西荒豺狼日已多草木日已霜饑年無遺粟衆鳥一作馬去空場

路傍誰家子白首離故鄉含酸望松柏仰面訴穹蒼去去勿復道苦飢形貌傷

徘徊不能寐耿耿含酸辛中夜登高樓憶我舊星辰四
時互遷移萬物何時春唯憶首陽路永謝當時人

長安佳麗地宮月生蛾眉陰氣凝萬里坐看芳草衰玉
堂有玄鳥亦以從此辭傷哉志士歎故國多遲遲深宮
豈無樂擾擾復何為朝見名與利莫還生是非

一作是
與非

姜牙佐周武世業永巍巍

舉才天道親首陽誰采薇去去荒澤遠落日當西歸義
和駐其輪四海借餘暉極目何蕭索驚風正離披鵝鴟

鳴高樹衆鳥相因依東方有一士歲莫常苦飢主人數
相問脈脈今何為貧賤亦有樂且願掩一作守柴扉

火雲流素月三五何明明光曜侵白日賢愚迷至精四
時更變化天道有虧盈常恐今已沒須臾還復生

河梁莫相遇一作逢草草不復言漢家正離亂王粲別荆

蠻野澤何蕭條悲風振空山舉頭是星辰念我何時還
親愛久別散形神各離遷未為生死訣長在心目間
有鳥東西來哀鳴過我前願飛浮雲外飲啄見青天

達士

四時如逝水百川皆東波青春去不還

一作迴

白髮鑷更

多達人識元化

一作氣

變愁為高歌傾產取一醉富者奈

貧何君看土中宅富貴

一作已笑

無偏頗

暮秋感思

西風吹垂楊條條脆如藕上有噪日蟬催人成皓首亦

恐旅步難何獨朱顏醜

一作朽

欲慰一時心莫如千日酒

優哉遵渚鴻自得養身旨不啄太倉粟不飲方塘水振

羽戛浮雲置羅任徒爾

古興

楚血未乾衣荆虹尚埋輝痛玉不痛身抱璞求所歸

勸友

至白涅不緇至交淡不疑人生靜躁殊莫厭相歲規膠漆武可接金蘭文可思堪嗟無心人不如松栢枝

一作青松

姿

夷門雪贈主人

是贈陸長源
陸有荅詩

夷門貧士空吟雪夷門豪士皆飲酒酒聲歡閒入雪銷
雪聲激切悲枯朽悲歡不同歸去來萬里春風動江柳

堯歌

一作舜歌前篇自註賞鄭氏莊客去婦後篇註逸

爾室何不安爾孝無與齊一言應對姑一度為出妻往
轍才晚鐘還轍及晨鷄往還跡徒新很戾竟獨迷娥女
無禮數汚家如糞泥父母吞聲哭

一作瘦

禽鳥亦為啼如

何天與惡不得和鳴棲

山色挽心肝將歸盡日看村肩籃輦子野坐白髮官

一作

冠

鶯弄方短短花明碎攢攢
瑠璃堆可掬琴瑟饒多歡
翠韻仙窈窕嵐漪出無端
養館洞庭秋響答虛吹彈



御定全唐詩卷三百七十三

欽定四庫全書薈要卷一萬七千七百七十九

集部

御定全唐詩卷三百七十四

孟郊

亂離

天下無義劍中原多瘡痍
哀哀陸大夫正直神反欺
子路已成血嵇康今尚嗤
為君每一慟如劍在四肢
折羽不復飛逝水不復歸
直松摧高柯弱蔓將何依
朝為春日歡夕為秋日悲
淚下無尺寸紛紛天雨絲
積怨成疾

疹積恨成狂癡怨草豈有邊恨水豈有涯怨恨馳我心
茫茫日何之

勸酒

白日無定影清江無定波人無百年壽百年復如何堂
上陳美酒堂下列清歌勸君金曲一作屈卮勿謂朱顏醜
松栢歲歲茂丘陵日日多君看終南山千古青峨峨

去婦

君心匣中鏡一破不復全妾心藕中絲雖斷猶牽連安

知御輪士今日翻回轅一女事一夫安可再移天君聽
去鶴言哀哀七絲弦

君子勿鬱鬱士有謗毀者作詩以贈之

君子勿鬱鬱聽我青蠅歌人間少平地森聳山嶽多折
輈不在道覆舟不在河須知一尺水日夜增高波叔孫
毀仲尼臧倉掩孟軻蘭艾不同香自然難為和良玉燒
不熱直竹文不頗自古皆如此其如道在何

日往復不見秋堂莫仍學玄髮不知白曉入寒銅覺為

林未離樹有玉猶在璞誰把碧梧枝刻作雲門樂

聞砧

杜鵑聲不哀斷猿啼不切月下誰家砧一聲腸一絕杵
聲不為客客聞髮自一作盡白杵聲不為衣欲令遊子歸

遊子

萱草生堂堦遊子行天涯慈親倚堂門不見萱草花

自歎

愁與髮相形一愁白數莖有髮能幾多禁愁日日生古

若不置兵天下無戰爭古若不置名道路無歎傾太行
聳巍我是天產不平黃河奔濁浪是天生不清四蹄日
日多雙輪日日成二物不在天安能免營營

求友

北風臨大海堅冰臨河面下有波瀾對之無由見求
友須在良得良終相善求友若非良非良中道變欲知
求友心先把黃金鍊

投所知

苦心知苦節不容一毛髮鍊金索堅貞洗玉求明潔自
慙所業微功用如鳩拙何殊嫫母顏對彼寒塘月君存
古人心道出古人轍盡美固可揚片善亦不過朝向公
卿說暮向公卿說誰謂黃鍾管化為君子舌一說清嶸
竹二說變嶸谷三說四說時寒花拆寒木撲撲家道路
燦燦我衣服豈直輝友朋亦用慰骨肉一暖荷足素一
飽荷升粟而況大恩恩此身報得足且將食餼勞酬之
作金刀

病客吟

主人夜呻吟皆入妻子心客子

一作遠客

晝呻吟徒為蟲鳥

音妻子手中病愁思不復深僮僕手中病憂危獨難任

丈夫久漂泊神氣自然沈況於滯疾中何人免噓歔大

海亦有涯高山亦有岑沈

一作此

憂獨無極塵淚互

一作欲

盈襟

感懷

孟冬陰氣交兩河正屯兵煙塵相馳突烽火日夜驚太

行險阻高輓粟輸連營奈何操孤者不使梟巢傾猶聞
漢北兒怙亂謀縱橫擅搖干戈柄呼呌豺狼聲白日臨
爾軀胡為喪丹誠豈無感激士以致天下平登高望寒
原黃雲鬱崢嶸坐馳悲風莫歎息空沾纓

離思

不寐亦不語片月秋稍舉孤鴻憶霜羣獨鶴叫雲侶怨
彼浮花心飄飄無定所高張擊綵帆遠過梅根渚迴織
別離字機聲有酸楚

結交

鑄鏡須青銅青銅易磨拭結交遠小人小人難姑息鑄
鏡圖鑑微結交圖相依凡銅不可照小人多是非

傷春

兩河春草海水清十年征戰城郭腥亂兵殺兒將女去
二月三月花冥冥千里無人旋風起鶯啼燕語荒城裏
春色不揀墓傍株紅顏皓色逐春去春去春來那得知
今人看花古人墓令人惆悵山頭路

擇友

獸中有人性形異遭人隔人中有獸心幾人能真識古
人形自獸皆有大聖德今人表似人獸心安可測雖笑
未必和雖哭未必戚面結口頭交肚裏生荆棘好人常
直道不順世間逆惡人巧諂多非義苟且得若是做真
人堅心如鐵石不諂亦不欺不奢復不溺面無恡色容
心無詐憂惕君子大道人朝夕恒的的

夜憂

豈獨科斗死所嗟文字捐蒿蔓轉驕弄

一作王

菱苻滅嬋

娟未遂擺鱗志空思吹浪旋何當再霖雨洗濯生華鮮

惜苦

于鵠值諫議以毬不能官焦蒙值舍人以盃不得完

一作

官

可惜大雅旨意此小團藥名迴不敢辨心轉實是難

不惜為君轉轉非君子觀轉之復轉之強轉誰能歡哀
哉虛轉言不可窮波瀾

寒地百姓吟

自註為鄭相其年居河南畿內百姓大蒙矜卹

無火炙地眠半夜皆立號冷箭何處來棘針風騷勞

一作

騷

霜吹破四壁苦痛不可逃高堂槌鐘飲到曉聞烹炮
寒者願為蛾燒死彼華膏華膏隔仙羅虛遶千萬遭到
頭落地死踏地為遊遨遊遨者是誰君子為鬱陶

出東門

餓馬骨亦聳獨驅出東門少年一日程衰叟十日奔寒
景不我為疾走落平原眇然荒草行恐懼夜魄翻一生
自組織千首大雅言道路如抽蠶宛轉羈腸繁

教坊歌兒

十歲小小兒能歌得朝

一作聞

天六十孤老人能詩獨臨

川去年西京寺衆伶集講筵能嘶竹枝詞供養繩牀禪
能詩不如歌悵望三百篇

訪疾

冷氣入瘡痛夜來痛如何瘡從公怒生豈以私恨多公
怒亦非道怒消乃天和古有煥輝句嵇康閒婆娑請君
吟嘯之正氣庶不訛

酒德

酒是古明鏡，輾開小人心。醉見異舉止，醉聞異聲音。酒功如此多，酒屈亦以深。罪人免罪酒，如此可為箴。

冬日

老人行人事，百一不及周。凍馬四蹄吃，陟卓難自收。短景仄飛過，午光不上頭。少壯日與輝，衰老日與愁。日一作

自愁疑在日，歲箭迸如讐。萬事有何味，一生虛自囚。不知文字利，到死空遨遊。

飢雪吟

飢鳥夜相啄瘡聲互悲鳴
冰腸一直刀天殺無曲情
大雪壓梧桐折柴墮崢嶸
安知鸞鳳巢不與梟鵂傾
下有幸災兒拾遺多新爭
但求彼失所但誇此一作誇
經營君子亦拾遺拾遺非
捨名將補鸞鳳巢免與梟
鵂并因為飢雪吟至曉竟
不平一作意

偷詩

餓犬齧枯骨自喫饒飢涎
今文與古文各各稱可憐
亦

如嬰兒食飴挑口旋旋唯有一點味豈見逃景延繩床
獨坐翁默覽有所傳終當罷文字別著逍遙篇從來文
字淨君子不以賢

晚雪吟

貧富喜雪晴出門意皆饒鏡海見纖悉冰天步飄飄一
仙子行家家塵聲銷小兒擊玉指大耄歌聖朝睿氣
流不盡瑞仙何負寥始知望幸色終疑異禮招市井亦
清潔閭閻聳岩堯蒼生願東顧翠華仍西遙天念豈薄

厚宸衷多憂焦憂焦致太平以茲時比堯古耳有未通
新詞有潛韶甘為酒伶擯坐恥歌女嬌選音不易言裁
正逢今朝今朝前古文律異同一調願於堯瑄中奏盡
鬱抑謠

自惜

傾盡眼中力抄詩過與人自悲風雅老恐被巴竹嗔零
落雪文字分明鏡精神坐甘冰抱晚永謝酒懷春徒有
言言舊慙無默默新始驚儒教誤漸與佛乘親

老恨

無子抄文字老吟多飄零有時吐向牀枕席不解聽鬪
蟻甚微細病聞亦清冷小大不自識自然天性靈

湖州取解述情

雪水徒清深照影不照心白鶴未輕舉衆鳥爭浮沈因
茲挂帆去遂作歸山吟

落第

曉月難為光愁人難為腸誰言春物榮獨

一作豈
一作起

見葉

一作花

上霜鵑失勢病

一作鶴鵑飛失勢

鷓鴣假

一作改

翼翔棄

置復棄置情如刀劒

一作刃

傷

詠懷

一作詠情一作感寓

濁水心易

一作已

傾明波興初發思逢海底人乞取蚌中

月此興若未諧此心終不歇

病起言懷

強行尋溪

一作淨

水洗却殘病姿花景晚晚盡麥風清冷

吹交道賤

一作臥

來見世情貧去知高閒思初逸澹泊

一作

薄淺厭齊兒終伴碧山侶結言青桂枝

秋夕貧居述懷

臥冷無遠夢聽秋酸別情高枝低枝風千葉萬葉聲淺
井一作水不供飲瘦田長廢耕今交非古交貧語聞皆輕

夜感自遣

一作失志夜坐思歸
楚江又作苦學吟

夜學曉未休苦吟神鬼愁如何不自閒心與身為讐死
辱片時痛生辱長年羞清桂無直枝碧江思舊遊

再下第

一夕九起嗟夢短不到家兩度長安陌空將淚見花

下第東歸留別長安知己

共照日月影獨為愁思人豈知鷓鴣鳴

一作鷓鴣等閒鳴

瑤草

不得春一片兩片雲千里萬里身雲歸嵩之陽身寄江
之濱棄置復何道楚情吟白蘋

失意歸吳因寄東臺劉復侍御

自念西上身忽隨東歸風長安日下影又落江湖中離
婁豈不明子野豈不聰至寶非眼別至音非耳通因絨

俗

一作物

外詞

一作調

仰

一作遠

寄高天

一作飛

鴻

下第東南行

越風東南清楚日瀟湘明試逐伯鸞去還作靈均行江
離伴我泣海月投入驚失意容貌改畏途性命輕時聞
喪侶猿一叫千愁并

一作生

歎命

三十年來命唯藏一卦中題詩還問

一作怨問
一作還怨

易問易

蒙復蒙本望文字達今因文字窮影孤別離月衣破道

路風歸去不自息耕耘成楚農

遠遊

慈烏不遠飛孝子念先歸而我獨何事四時心有違江
海戀空積波濤信來稀長為路傍食

一作客

著盡家中衣

別

一作烈

劍不割物離人難作威遠行少僮僕驅使無是

非為性玩好盡積愁心緒微始知時節駛夏

一作愛

日非

長輝

商州客舍

商山風雪壯遊子衣裳單四望失道路百憂攢肺肝日
短覺易老夜長知至寒淚流瀟湘弦調苦屈宋彈識聲
今所易識意古所難聲意今詎一作竟誰辨高明鑒其端

長安旅情

盡說青雲路有足皆可至我馬亦四蹄出門似無地王
京十二樓戕戕倚青翠下有千朱門何門薦孤士

長安羈旅

聽樂別離中聲聲入幽腸曉淚滴楚瑟夜魄遠吳鄉幾

回羈旅情夢覺殘燭光

渭上思歸

獨訪千里信回臨千里河家在

一作住

吳楚鄉淚寄東南

一作流
波

登科後

昔日齷齪不足誇今朝放

一作曠

蕩思無涯

一作今日坦然未可涯

春風

一作青春

得意馬蹄疾一日看盡長安花

初於洛中選

塵土日易沒驅馳力無餘青雲不我與白首方選書宦
途事非遠拙者取自疎終然戀皇邑誓以結吾廬帝城
富高門京路遠一作饒勝居碧水走龍蛇一作狀蜿蜒遶庭
除尋常異方客過此亦踟躕

乙酉歲舍弟扶侍歸興義莊居後獨止舍待替
人


誰言舊居止主人忽成客僮僕強與言相懼終脉脉出
亦何所求入亦何所索飲食迷精麤衣裳失寬窄回風

卷閒簾新月生空僻
士有百役身官無一姓
宅丈夫恥自飾衰鬢
從颯白蘭交早已謝
榆景徒相迫惟予心
中鏡不語光歷歷

西齋養病夜懷多感因呈上從叔子雲

遠客夜衣薄厭眠待雞鳴
一床空月色四壁秋蛩聲
守淡遺衆俗養疴念餘生
方全君子拙恥學小人明
蚊蚋亦有時羽毛各有成
如何騏驥跡蹉跎未能行
西北有平路運來無相輕

御定全唐詩卷三百七十四



總校官庶吉士臣張能照

校對官檢討臣郭寅

謄錄監生臣藍嘉瑄